

集解茄者四方民間多栽之以貨之二月下種四五月移苗五六寸者至高二三尺葉大如掌莖紫黑有刺自夏至秋開紫花五瓣相連五稜如縷黃藥綠蒂蒂包其茄茄中有瓢瓢中有子子如脂麻其茄有團有長四五寸者有大如斗者色有青紫白及雜青紫黃斑既老則變成黃白如銀者其味不佳故種之者少

〔和漢三才圖會〕茄 落蘇 崑崙瓜 草鼈甲 和名奈須比

本綱茄子種宜於九月黃熟時收取乾至二月下種移栽株高二三尺葉大如掌自夏至秋開紫花五瓣相連五稜如縷黃蕊綠蒂蒂包其茄茄中有瓢瓢中有子子如脂麻其茄有團如栝樓者長四五寸者有青茄紫茄白茄一名銀茄更勝青者諸茄至老皆黃也茄葉摘布路上以灰圍之則子必繁謂之嫁茄茄多食必腹痛下利圃人又下於暖處厚加糞壤遂於小滿前後求貴價以售既不以時損人益多茄類有數種

渤海茄白色而堅實 番茄白而扁甘脆不澀生熟可食 紫茄色紫蒂長味甘 水茄形長味甘可以止渴

江南一種藤茄作蔓生皮薄似壺盧 交嶺茄樹經冬不凋有二三年漸成大樹者其實如瓜也

大明一統志云蘇門答刺有大茄樹者乃此類也

按茄子白者味不美黑者次之紫者最良小而多結子者俗呼曰錫杖茄皆二月下種芒種前後移栽有早晚其早者六月取食俗稱伊羅里小而圓其瓢稍硬晚者七八月取之大而帶長結子不多味最美故諺云勿令食秋茄於子婦又有長如瓜者味不美故人不種用

〔重修本草綱目〕啓蒙二茄 ナスビ ナス○中

數品アリ色紫ニシテ形圓ナル者ハ尋常ノ茄ナリコレヲ荷包茄廣東新語ト云土地ニ隨ヒ皮ニ厚薄